

PILOTA

Eugi igandean txapelketako partidua jokatzeko moduan dago

A.U. / DONOSTIA

Datorren igandean eskuz binakako txapelketako partidua jokatu duela esan zuen atzo Bergaran Patxi Eugik. Nafarrak Elkororekin batera jokatu du txapelketa honetako lider diren Retegi eta Errandonearen aurka bosgarren jardunaldiko partidua. Atzo Bergaran egin zen piloten hautaketa eta bertan jakinarazi zuen Eugik bere erabakia.

Partidu honetarako Eugik eta Elkorok, 104,9, 105 eta 106,2 gramoko pilotak aukeratu zituzten eta Retegik eta Errandoneak 105,4, 106,2 eta 106,4 gramokoak. Bi bikoteek aukeratutako pilotak antzekoak dira baina Eugik eta Elkorok aukeraturakoak salda gehixeago daukate. Ekitaldi berean larunbatean jokatu den bigarren mailako partidurako pilotak ere aukeratu zituzten. Txapelketan hiruna partidua irabaziak dituzten Tolosa III-Imaz eta Nagore-Lasa izan ziren bertan. Asegarcekoek 104,3, 105 eta 105,2 gramokoak aukeratu zituzten. Empresas Unidasekoek, 103,8, 105,5 eta 106,3 gramokoak, aurkariak baino bizixeagoak.

Eibarren egin zen aukeraketa. Unanue eta Zezeaga pilota indartsuen bila joan ziren eta hauek aukeratu zituzten, 107,2 gramoko bat eta 106,6 gramoko bi. Alustizak bakarrik egin zuen aukeraketa. 105,3, 106,3 eta 106,4 gramoko pilotak apartatu zituen. Bigarren mailari dagokionez, Capellan eta Mendiak 105,5, 106 eta 106,6 gramokoak apartatu zituzten. Goñi eta Balerdik, berriz, 105,4, 105,9 eta 106,5 gramokoak.

ARRIBILLAGA LANGARIKAREN GARAIPENA

Emozio handiko partidua batekin amaitu zen atzo lehen mailako pala txapelketako lehen fasea. Arribillaga eta Langarikak 45-44 irabazi zuten Isusi II eta Oterori, oro har ona izan zen partiduan. Garaipen honekin Arribillaga-Langarika lehen postuan dira eta datorren ostegunean jokatu duten finalerdian gaurko aurkariaren aurka jokatu dute.

KROSA

Kororiak eta Mosimak parte hartuko dute Uliako Gimnasticako krosean

Errege Egunean Donostian korrituko den proba atzo aurkeztu zuten

Aurten denboraldi abikaina egiten ari den Shem Kororia keniarrak parte hartuko du Donostiako Uliako Gimnasticak antolatu duen krosean. Erregeetako Krosa deitutako lasterketa honetan Philip Mosima iazko irabazlea ere izango da. Emakumezkoen lasterketak ere nazioarteko maila izango du.

A.U. / DONOSTIA

Uliako Gimnasticako krosaren 65. edizioa urtarrilaren 6an egingo da Donostiako Zurriola zirkuituan. Lau lasterketa egingo dira aurtengo edizioan, junior mailako bi, gizonezkoena eta emakumezkoena, eta senior-promesa mailako beste bi, gizonezkoena eta emakumezkoena hauek ere. Goizeko 11.30etan hasiko da lehen lasterketa eta garrantzitsuena, gizonezkoen mailako senior-promesa mailakoa, eguerdiko 13.15etan korrituko da.

Donostiako Zurriola pasealekuan egin ohi da lasterketa hau. Orain gutxi Maria Cristinako parkean egin bazen ere, aurtengoan, ohizko lekuan egingo da. Zurriola pasealekuan egiten ari diren obrek ordeza aldatuta batzuk egitea eragin dute zirkuituan. Atletak ez dira Zurriolan sartuko, asfalto gainetik eta espaloitik joango da zirkuitua Zurriolako pasealekuaren parean. Irteera eta amaiera Saguesen izango da eta zirkuitu osoa asfalto gainean egingo da.

FUTBOLA

Urban, Osasuna eta Valladolidek bilera egingo dute gaur

IRUNEA

Jan Urban Osasunako jokalaria Valladolid taldearekin gero eta gertuago dago. Jokalariak eta Osasuna eta Valladolid taldeetako ordezkariek bilera egingen dute gaur arratsaldean Iruñean, eskualdaketa gauzatzeko xedearrekin.

Valladolidek 10 milioi pezeta eskaini zizkion hasiera batean Osasunari Urbanen truke, eta talde nafarrak ez zuen eskaintza onartu. Azken orduotan, baina, bi taldeetako ordezkariek ados jarri dira, eta orain jokalariak baietz esaten badu eskualdaketa gauzatuko da.



Maite Zuñiga atzoko aurkezpenean izan zen.

LEIRE ARZUAGA

Partaidetzari dagokionez, lasterketaren bezperan egingo den Keniako txapelketa militarra keniarrak atletak ekartzeko orduan arazo bat izan da. Keniako atleta gehienek parte hartuko baitute txapelketa horretan.

Hala eta guztiz ere izango dira maila oneko atletak. Keniarraren artean, Shem Kororia etorriko da, aurtengo Bolbec, Alcobendas eta Le Figaro krosak irabazi dituen. Iazko edizioa irabazi zuen Philip Mosima, munduko txapelketa junior mailan azken bi urteetan, ere bertan izango da.

Laudion laugarren postuan sailkatu zen Ayele Mezgelu etiopiarra ere parte hartuko du. Adrew Panga tanzaniarra, Laudion bosgarren izan zena, eta Laudion lehen europarra izan

zen John Brown britainiarra ere etorriko dira. Carlos de la Torre, Anacleto Jimenez, Diego Garcia eta Rodrigo Gavela dira parte hartuko duten beste atleta batzuk.

Emakumezkoen senior-promesa lasterketak ere nazioarteko maila izango du. Azken munduarekin 14. postuan sailkatutako Getenesh Urge etiopiarra etorriko da. Pacific Monda keniarrak, 1993ko Munduko Txapelketan maratoian bigarren izan zen Manuela Machadok eta aurtengo Santurtzitik Bilborako lasterketan bigarren izan zen Criselda Gonzalezek ere parte hartuko dute.

Horiekin guztiarekin lehen lasterketa antolatu duen Uliako Gimnastica taldeko Maite Zuñiga ariko da.

De la Villa Iruñeko xake txapelketaren buruan dago

IRUN

Jesus de la Villa, Iruñeko Xake Txapelketan parte hartzen ari den Nafarroa Federazioko kide bakarra espero zitekeenaren kontrari lehiaketako lehen sailkatua zen bigarren jardunaldia amaitu ondoren. De Villak estreinako bi norgehiagoketan bi garaipen lortu zituen, beste inork bezala. Bere gibeletik, puntu zeuzkaten bigarren jardunaldiaren akaberan Topalovek eta Zvaginovek. Bigarren jardunaldian horretan Manuel Rivera espainiarra parra egiten zuen Leonid Yudasin raeldarrarekin. Israeldeko torneo hau irabazteko boritorik handienetakoa da. Baita ere parra egiten zuen lehen jardunaldiaren Kortsnoi suitzarrari irabazi zion Topalov bulgarrrak. Jordi Magen katalanaren aurka jokatu zuen Topalovek. Zenon Frank eta Viktor Kortsnoiren arteko partidua ere parra amaitu zen.

Asteazkenean jokatu den bigarren jardunaldian De la Villak ezuste handi eman zuen Morozev garaituz. Zujaginsevek garaipena lortu zuen masen kontra. Atzo partidua hauek jokatu zuten: Kortsnoi-De la Villa, Frank-Topalov, Yudasin-Zvaginsev, Magem-Frank, Morozev-Rivas. Lehen hauek idatzeko orduan amaitzeke ziren partidua.

Athleticek 5-0 irabazi zion Portugaleteri

La Florida zelaian jokatu den partiduan Athleticek 5-0 irabazi zion Portugaleteri atzo. Menezes guren, Cortina eta Julen Guzman izan ziren golegile aurrenekoak eta Jon Andoni Goikoa eta Jabi Luke bigarrenak. Nesto Valverde eta Iñigo Larraz hasierako hamaikakoak izan ziren. Aurrelariak berrogei minutu jokatu zituen eta partidua osoa, Realaren aurka jokatzeko prest dagoen erakutsiz.

MARISOL RAMIREZ

